

ПАВЛОДАР МЕМЛЕКЕТТІК ПЕДАГОГИКАЛЫҚ УНИВЕРСИТЕТІ

МАРКЕТИНГ ЖӘНЕ МАНСАП ДЕПАРТАМЕНТІ

Бекітемін
ПМПУ ректоры,
х.ғ.д., профессор

2018 ж.

А. Нұхұлы



Павлодар облысының жалпы орта білім беру мектептерінің оқушыларына арналған облыстық пәндік олимпиада туралы ЕРЕЖЕ

Павлодар қаласы

1. Жалпы ережелер

- 1.1. Мектеп оқушыларының пәндік олимпиадасы туралы бұл ереже олимпиаданың мақсаттары мен міндеттерін, ұйымдастыру мен өткізу тәртібін, оның ұйымдастыру-әдістемелік тұрғыдан қамтамасыз етілуін, олимпиаданың қатысушыларын, жауаптыларын, олимпиаданың қорытындыларын шығару және жеңімпаздары мен жүлдегерлерінің марапатталуын белгілейді.
- 1.2. Олимпиаданың негізгі мақсаттары:
 - оқушылардың зияткерлік және шығармашылық қабілеттерін анықтау;
 - ғылыми – зерттеу қызметі мүддесіне ынталандыру;
 - дарынды оқушыларға қолдау көрсету үшін қажетті жағдайлар жасау.
- 1.3. Олимпиаданы жыл сайын Павлодар мемлекеттік педагогикалық университеті Павлодар облысының білім басқармасымен бірігіп өткізеді.
- 1.4. Олимпиада физика, математика, биология және химия пәндерінен өкізіледі.
- 1.5. Олимпиаданы ұйымдастыру және өткізу жөніндегі ақпаратты университет www.pri.kz сайтында орналасады.

2. Олимпиада міндеттері

- 2.1. Оқушылардың физика, математика, биология және химия пәндеріне тереңдетіп оқуға деген қызығушылықтарын арттыру.
- 2.2. Оқушылардың қызығушылықтары мен шығармашылық қабілеттерін жан-жақты дамыту.
- 2.3. Оқушылардың белгілі бір саласындағы соңғы жетістіктермен таныстыру.
- 2.4. Оқу және кәсіби уәждеме деңгейін арттыру.

3. Олимпиаданы ұйымдастыру және өткізу тәртібі

- 3.1. Олимпиада екі кезеңде өткізіледі:
 - I кезең-іріктеу, онлайн режимінде сырттай 12 наурызда өткізіледі. I кезең тапсырмалары ПМПУ сайтында «Талапкер» бөлімінде көрсетіледі.
 - II кезең-қорытынды (облыстық) көктемгі демалыс кезінде ПМПУ-дің базасында өткізіледі.
- 3.2. Мектептер олимпиадаға қатысу үшін өтінім берулері тиіс (1-қосымшаға сәйкес).

4. Олимпиаданы ұйымдастыру-әдістемелік тұрғыдан қамтамасыз ету

- 4.1. Олимпиаданың кезеңдеріне дайындық және олардың өткізу жұмыстарын олимпиаданың ұйымдастыру комитеті жүзеге асырады. Оның құрамына төраға, оның орынбасары, жауапты хатшы және мүшелері кіреді. Ұйымдастыру комитетінің құрамы ПМПУ-дің қызметкерлері мен оқытушыларынан құрылады. Облыстық олимпиаданы ұйымдастыру комитетінің құрамы ПМПУ ректорының бұйрығымен бекітіледі.
- 4.2. Облыстық олимпиаданы ұйымдастыру комитеті:
 - олимпиаданың дайындығы мен өткізілуі туралы хабарландырудың дер кезінде жариялануын қамтамасыз етеді;
 - олимпиаданың аудандық (қалалық) және облыстық (қорытынды) кезеңдерін өткізу бағдарламасын құрастырады, нәтижелерді бағалау өлшемдерін анықтау жөнінде комиссия құрамын, пәндік қазылар алқалары мен олардың төрағаларын бекітеді;
 - қазылар алқаларының ұсыныстары бойынша олимпиада жеңімпаздары мен жүлдегерлерін анықтайды;
 - олимпиаданың қорытынды кезеңінде қатысуға мектептерден түскен есептерді, ұсынымдар мен өтінімдерді қарайды;
 - облыстық олимпиада дайындығына жалпы басшылық жасайды;
 - өтінімге міндетті түрде аудандық (қалалық) пәндік олимпиаданың іріктеу кезеңінде жүлделі (I,II,III) орындарға ие болған оқушылар енгізіледі;
 - олимпиаданың облыстық (қорытынды) кезеңіне қатысушылардың жұмыстарын шифрлау және тексеру тәртібін анықтайды.
- 4.3. Облыстық пәндік олимпиаданың нәтижелері хаттама түрінде рәсімделеді.

5. Облыстық олимпиаданың қатысушылары

- 5.1. Олимпиадаға аудандық және қалалық мектептердің 11-сыныптарының оқушылары қатысады.
- 5.2. Олимпиадаға қатысушының өзімен бірге жеке басын растайтын куәлігі болуы керек. Жеке басын растайтын куәлігі болмаған жағдайда, оқу орнынан фотосуреті бар анықтама көрсетуі керек.
- 5.3. Облыстық (қорытынды) кезеңге қатысушыларды іріктеу мектептердің өтініштері бойынша жүзеге асырылады.
- 5.4. Әр пән бойынша Олимпиада жеңімпазы - ең жоғары балл санын жинаған және жоғары нәтиже көрсеткен қатысушы болып саналады.

6. Жауапкершілік

6.1. Пәндер бойынша тапсырмаларды, бағалау өлшемдері мен әдістемесін дайындау үшін тапсырмаларды дайындау жөніндегі комиссия жауапкершілікте болады.

7. Олимпиаданың қорытындыларын шығару және жеңімпаздар мен жүлдегерді марапаттау

- 7.1. Қорытынды олимпиаданың әр кезеңінен кейін шығарылады. Әр пәннен жүлдегерлер анықталады.
- 7.2. Олимпиада жеңімпаздары мен жүлдегерлері ПМПУ ректорының грантына, оқу үшін жеңілдіктер алуға құқылы:

Пән	1 - орын	2- орын	3-орын
Физика Математика Биология Химия	ПМПУ білім беру гранты туралы куәлік	ПМПУ-де оқуына 50 % жеңілдік	ПМПУ-де оқуына 25 % жеңілдік

Облыстық олимпиадаға қатысу үшін өтінім

№	Қатысушының толық аты-жөні, жеке куәлігі бойынша	Байланыс телефоны	Ауданның (қалалық) және мектептің атауы	Оқыту тілі, пәні	Пәндік мұғалімдердің толық аты-жөні жеке куәлігі бойынша

Мектеп директоры